

giles super gregem Dominicum tibi commissum, quatenus sicut fidelis servus et prudens merearis intrare in gaudium Domini tui.)

Post hæc legatur *Epistola*, et perficiatur missa usque ad offertorium; et tunc debet novus abbas accedere, et idem offerre duas torchias cum pecunia ad voluntatem ipsius in ipsis depicta, cum duobus magnis panibus, et duobus potis vini. Collecta vero, secreta,

A et postcommunio dicantur in missa, sicut dictum est superius in ordinatione abbatis monachorum, et in ipsa missa debet novus abbas communicare; cætera fiant, ut superius dictum est. Et antequam pontifex recedat ab altari, faciat novus abbas professionem eodem modo, et omnia alia, quo supra dictum est in ordinatione abbatis monachorum.

BENEDICTIO ABBATISSÆ.

(Ex eodem Pontificali ms.

240 In ordinatione abbatissæ debet pontifex missam celebrare, et eam benedicere cum duobus vel tribus abbatissis. Et antequam incipiatur missa vel introitus missæ, aliquæ moniales de abbatisa cujus est electa, ducant electam examinandam coram pontifice pontificalibus induto et casula, et debet sedere in loco examinationis dorso verso a majus altare, et dicant tunc moniales antedictæ: Adest, reverende Pater, electa nostra ad benedictionem suam suscipiendam.

Interrogatio episcopi: Est electa secundum regulam sancti Benedicti a sororibus? *Respondeant sorores*: Canonica in eam sororum consensus electio.

Et interroget episcopus: Habetis inde scriptum? *Respondeant sorores*: Habemus.

Episcopus: Legatur.

Quo lecto, dicat episcopus: Quia ergo in eam sororum vota consentiunt, prius eam censemus, et cætera quæ sequuntur, prout superius digesta sunt in ordinatione abbatis monachorum. Et omnibus eodem ritu expletis, psalmis, litanis, versiculis, dicat pontifex hæc benedictiones quæ sequuntur.

Oratio.

241 Exaudi, Domine, preces nostras, et super hanc famulam tuam Spiritum tuæ benedictionis infunde, ut cœlesti munere ditata, et majestatis tuæ dona [al., gratiam] possit acquirere et bene vivendi aliis exemplum præbere. Per Christum.

Oremus.

Oratio.

Omnipotentiam tuam, Domine, humiliter imploramus, ut super hanc famulam tuam, quam ad sacrum ordinem (id est, sacram benedictionem, seu ordinationem) assumere dignatus es, benedictionis tuæ donum dignanter infundas, eique gratiam consecrationis tribuas, ut quod percipit te protegente illæsum custodiat. Per Dominum nostrum Jesum Christum.

Per omnia sæcula seculorum. Amen. Dominus vobiscum. Et eum spiritu tuo. Sursum corda. Habemus ad Dominum. Gratias agamus Domino Deo nostro. Dignum et justum est.

Vere dignum et justum est, æquum et salutare nos tibi semper et ubique gratias agere, Domine sancte, Pater omnipotens, æterne Deus. Adesto precibus nostris, adesto votis, adesto famulatibus, adesto consecrationibus, qui omnia per Verbum tuum mirabiliter dispensas et dispensanda ministras, qui diversis floribus **242** tuam semper exornas Ecclesiam, dum eam et virorum exemplis et illustrium feminarum irradias institutis, qui etiam de inferiori [al., inferiori] sexu hanc famulam tuam servitutis tuæ applicare dignatus es famulatui; effunde super hanc famulam tuam, quam in officium divinum fideliter dedicamus, gratiam Spiritus sancti, ut tibi omni tempore ejus servitus dignanter complacet, eamque dextera potentis tuæ bene et dicere et sancti et ficare digneris in opus ministerii tui condignum, quatenus actum ministracionis sibi creditæ fideliter exsequatur, et ejusdem sancti Spiritus septiformis gratiæ virtute corroboretur. Requiescat ergo super eam,

precamur, Domine, spiritus sapientiæ et intellectus, spiritus consilii et fortitudinis, spiritus sapientiæ et pietatis, et repleat eam spiritus timoris Domini. **B** Concede ei quoque gravitatem actuum, censorumque vivendi, ut in lege tua die ac nocte meditetur, mandata tua custodiat, dictis tuis obediat, sacris lectionibus insistat, terrena et transitoria despiciat, atque omni tempore bonis operibus inserviat, omnem libidinem pravæ voluptatis superet, amorem honestæ castitatis teneat, ut tibi sponso venienti cum lampadibus suis inextinguibilibus possit occurrere, et prudentum **243** virginum choro jungi; et ne cum stultis excludatur, regalem januam cum sapientibus virginibus licenter introeat. Abundet in ea totius forma virtutis, auctoritas modesta, pudor constans, intenta [al., innocentis] puritas, et spiritualis observantia disciplinæ. In moribus ejus præcepta fulgeant, ut suæ castitatis exemplo cunctis sibi subjectis imitationem præbeat puram, et bonum conscientie testimonium ostendens, in Christo Jesu firma et stabilis perseveret, atque ita perceptum ministerium te auxiliante peragat, quatenus ad æternam remunerationem te donante pervenire mereatur. Per Dominum nostrum, etc.

C

Tunc det ei regulam, et legendo dicat:

Accipe regulam sanctæ conversationis, simulque gratiam sanctæ benedictionis; et ut per hanc cum grege tibi credito in districti die iudicii Domino incontaminata repræsentari valeas, ipse te adjuvare dignetur, qui vivit et regnat in unitate Spiritus sancti Deus, per omnia sæcula seculorum. Amen.

Tunc det ei episcopus baculum, legendo dicens.

Accipe baculum pastoralitatis, quem præferas catervæ tibi commissæ ad exemplum justæ severitatis et correctionis.

Sequitur oratio, et dicatur a pontifice ad modum orationis:

244 Domine Deus omnipotens, qui sororem Moysis Mariam præeuntem cum cæteris virginibus [al., mulieribus] inter æquoreas undas cum tympanis et choris lætam ad litus maris venire fecisti, te suppliciter [supplices] deprecamur pro fidei famula tua, quæ hodie in cathedra materna super universas subditas [universis sibi subditis] sibi abbatissa constituitur, ut ita canonica [monastica] norma tueatur cunctas famulas tuas [al., add. sibi commissas], quatenus ad æternam gloriam te auxiliante cum omnibus illis introeat læta, ibique exultans [al., exultantes] cum angelis, canens [canentes] cantica nova, sequatur [al., sequantur] Agnum quocunque ierit. Per Christum Dominum nostrum. Amen.

Oratio.

Famulam tuam, quæsumus, Domine, tua semper gratia bene et dicat, et inculpabilem ad vitam perducat æternam. Per Christum.

Collecta missæ, secreta et postcommunio dicantur, et cætera omnia eodem ritu fiant, sicut ante dictum est in consecratione abbatis.